

# Granda urbo

Vortoj kaj muziko de  
Ĵomart Amzeev

Granda urbo, longaj stratoj,  
ĉio trankviliĝas.  
En brueto delikata,  
en brueto delikata  
nokto jam naskiĝas.

En fenestro ĉiu vivas  
varma mola lumo.  
Jam delonge mi ne timas,  
jam delonge mi ne timas,  
de krepusk' brakumon.

Rf - I:           Jam delonge mi atendas  
                  ion de vesperoj,  
                  sed mallumo ne defendas  
                  de atendsuferoj.

Noktan ŝaltos mi lampeton,  
libron foliumos.  
Kaj aŭskultos sonkasedon,  
kaj aŭskultos sonkasedon,  
rigardante lumon.

Vane serĉos mi respondon  
por demando unu:  
Ĉu feliĉon mi renkontos?  
Ĉu feliĉon mi renkontos?  
Trovos min fortuno?

Rf - I:           Jam delonge mi atendas  
                  ion de vesperoj  
                  sed mallumo ne defendas  
                  de atendsuferoj.

Jam vekigigas urbo granda.  
Min mateno juĝos.  
Kaj forpelos noktan landon,  
kaj forpelos noktan landon  
horizonto ruĝa.